A Man's A Man For A' That

Is there for honest Poverty That hings his head, an' a' that; The coward slave-we pass him by, We dare be poor for a' that! For a' that, an' a' that. Our toils obscure an' a' that, The rank is but the guinea's stamp, The Man's the gowd for a' that.

What though on hamely fare we dine, Wear <u>hoddin</u> grey, an' a that; <u>Gie</u> fools their silks, and knaves their wine; A Man's a Man for a' that: For a' that, and a' that, Their tinsel show, an' a' that; The honest man, tho' <u>e'er sae</u> poor, Is king o' men for a' that.

Ye see <u>yon</u> birkie, ca'd a lord, <u>Wha</u> struts, an' stares, an' a' that; Tho' hundreds worship at his word, He's but a <u>coof</u> for a' that: For a' that, an' a' that, His ribband, star, an' a' that: The man o' independent <u>mind</u> He looks an' laughs at a' that.

A prince can <u>mak</u> a belted knight, A marquis, duke, an' a' that; <u>But an</u> honest man's abon his might, <u>Gude</u> faith, he <u>maunna fa'</u> that! For a' that, an' a' that, Their dignities an' a' that; The pith o' sense, an' pride <u>o'</u> worth, Are higher rank than a' that.

Then let us pray that come it may, (As come it will for a' that,) That Sense and Worth, o'er a' the earth, Shall <u>bear</u> the gree, an' a' that. For a' that, <u>an'</u> a' that, It's coming yet for a' that, That Man to Man, the world o'er, Shall brothers be for <u>a'</u> that.